

摘藻堂四庫全書薈要

史部

欽定四庫全書薈要卷六千一百七十二

遼史卷四十七

元中書右丞相總裁托克托等修

志第十七

百官志

南面

契丹國自唐太宗置都督刺史武后加以王封玄宗置  
經略使始有唐官爵矣其後習聞河北藩鎮受唐官名

於是太師太保司徒司空施于部族太祖因之大同元年世宗始置北院樞密使明年世宗以高勲為南院樞密則樞密之設蓋自太宗入汴始矣天祿四年建政事省於是南面官僚可得而書其始漢人樞密院兼尚書省吏兵刑有承旨戶工有主事中書省兼禮部別有戶部使司以營州之地加幽冀之半用是適足矣中葉彌文耶律楊魯為太傅知有三師矣和爾郭勒濟為太尉知有三公矣於韓庫德為常侍劉涇為禮部尚書知有門下

尚書省矣庫部虞部倉部員外出使則知備郎官列宿  
之員室昉監修則知國史有院程翥舍人則知起居有  
注邢抱朴承旨王言敷學士則知有翰林內制張幹政  
事舍人則知有中書外制大理司農有卿國子少府有  
監九卿列監見矣金吾千牛有大將十六列衛見矣太  
子有師保下有府率東宮備官也節度觀察防禦團  
練刺史咸在方州如唐制也凡唐官可考見者列具于  
篇無徵者不書

# 南面朝官

遼有北面朝官矣既得燕代十有六州乃用唐制復設南面三省六部臺院寺監諸衛東宮之官誠有志帝王之盛制亦以招徠中國之人也三師府本名三公漢以丞相太尉御史大夫為三公故稱三師

太師穆宗應歷三年見太師唐古特

太傅太宗會同元年命馮道守太傅

太保會同元年劉煦守太保

少師耶律資忠傳見少師蕭巴格

少傅

少保

掌印耶律伊遜重熙中掌太保印

三公府先漢丞相太尉御史大夫後漢更名大司徒大司馬大司空唐太尉司徒司空又名三司

太尉太宗天顯十一年見太尉趙思溫

司徒世宗天祿元年見司徒華沙

司空聖宗統和三十年見司空邢抱質

漢人樞密院本兵部之職在周為大司馬漢為太尉唐季  
宦官用事內置樞密院後改用士人晉天福中廢開運  
元年復置太祖初有漢兒司韓知古總知漢兒司事太  
宗入汴因晉置樞密院掌漢人兵馬之政初兼尚書省  
樞密使太宗大同元年見樞密使李崧

知樞密使事

知樞密院事

樞密副使楊遵勗咸雍中為樞密

同知樞密院事聖宗太平六年見同知樞密院事

耶律默爾吉

知樞密院副使事楊哲興宗重熙十二年知樞密

院副使事

樞密直學士聖宗統和二年見樞密直學士郭嘏

樞密都承旨聖宗開泰九年見樞密都承旨

韓紹芳



樞密副承旨楊遵勗重熙中為樞密副承旨

吏房承旨

兵刑房承旨

戶房主事

廳房主事即工部

中書省初名政事省太祖置官世宗天祿四年建政事  
省興宗重熙十三年改中書省

中書令韓延徽太祖時為政事令韓知古天顯初

為中書令會同五年又見政事

令趙延壽

大丞相太宗大同元年見大丞相趙延壽

左丞相聖宗太平六年見左丞相張儉

右丞相聖宗開泰元年見右丞相馬保忠

知中書省事蕭孝友興宗重熙十年知中書省事

中書侍郎韓資讓壽隆初為中書侍郎

同中書門下平章事太祖加王郁同政事門下平

章事太宗大同元年見平章事

張礪

參知政事聖宗統和十二年見參知政事邢抱朴

堂後官太平二年見堂後官張克恭

主事

守當官並見耶律儼建官制度

令史耶律儼道宗咸雍三年為中書省令史

中書舍人院

中書舍人室昉景宗保寧間為政事舍人道宗咸

雍三年見中書舍人馬鉉

右諫院

右諫議大夫聖宗統和七年見諫議大夫馮得臣

右補闕

右拾遺劉景穆宗應歷初為右拾遺

門下省

侍中趙思忠太宗會同中為侍中

常侍興宗重熙十四年見常侍諤古德

散騎常侍馬人望天祚乾統中為左散騎常侍

給事中聖宗統和二年見給事中郭嘏

門下侍郎楊皙清寧初為門下侍郎

起居舍人院

起居舍人聖宗開泰六年見起居舍人程翥

知起居注耶律迪里重熙末知起居注

起居郎杜防開泰中為起居郎

左諫院

左諫議大夫

左補闕

左拾遺統和三年見左拾遺劉景

通事舍人院

通事舍人統和七年見通事舍人李琬

符寶司

符寶郎耶律玘重熙初為符寶郎

東上閣門司太宗會同元年置

東上閣門使韓延徽傳見東上閣門使鄭延豐

東上閣門副使

西上閣門司

西上閣門使統和二十一年見西上閣門使丁振

西上閣門副使

東頭承奉班

東頭承奉官韓德讓景宗時為東頭承奉官

西頭承奉班

西頭承奉官

通進司

左通進

右通進耶律瑤質景宗時為右通進

登聞鼓院

登聞鼓使

匭院



知匭院使太平三年見知匭院事杜防

誥院

誥院給事耶律都勒幹重熙末為誥院給事

尚書省太祖嘗置左右尚書

尚書令蕭思溫景宗保寧初為尚書令

左僕射太祖初康默記為左尚書三年見左僕射

韓知古

右僕射太宗會同元年見右僕射羅索

左丞武白為尚書左丞

右丞

左司郎中

右司郎中

左司員外郎

右司員外郎

六部職名總目

某部

某部尚書聖宗開泰元年見吏部尚書劉績

某部侍郎王觀興宗重熙中為兵部侍郎李幹穆

宗朝累遷工部侍郎

某部郎中劉輝道宗大安末為禮部郎中

某部員外郎開泰六年見禮部員外郎王景運

某部郎中聖宗統和九年見虞部郎中崔祐諸曹

郎官未詳

御史臺太宗會同元年置

御史大夫會同九年見御史大夫耶律嘉哩

御史中丞

侍御重熙七年見南面侍御準格爾

殿中司

殿中聖宗開泰元年見殿中高可恒

殿中丞

尚舍局見遼朝雜禮

奉御

尚乘局奉御

尚輦局奉御

尚食局奉御

尚衣局奉御

翰林院掌天子文翰之事

翰林都林牙興宗重熙十三年見翰林都林牙耶律庶成

南面林牙耶律穆爾古聖宗統和初為南面林牙

翰林學士承旨趙延壽傳見翰林學士承旨張礪  
翰林學士太宗大同元年見和凝為翰林學士  
翰林祭酒韓德崇景宗保寧初為翰林祭酒  
知制誥室昉太宗入汴詔知制誥

翰林畫院

翰林畫待詔聖宗開泰七年見翰林畫待詔陳升  
翰林醫官天祚保大二年見提舉翰林醫官李爽  
國史院

監修國史聖宗統和九年見監修國史室昉

史館學士景宗保寧八年見史館學士

史館修撰劉輝大安末為史館修撰

修國史耶律玠重熙初修國史

宣政殿

宣政殿學士穆宗應歷二年見宣政殿學士李澣

觀書殿

觀書殿學士王鼎壽隆初為觀書殿學士

昭文館

昭文館直學士楊遵勗子晦為昭文館直學士

崇文館

崇文館大學士韓延徽太祖時為崇文館大學士

乾文閣

乾文閣學士王觀道宗咸雍五年為乾文閣學士

宣徽院太宗會同元年置

宣徽使



知宣徽院事馬得臣統和初知宣徽院事

宣徽副使

同知宣徽使事

同知宣徽院事

內省

內省使聖宗太平九年初見內省使

內省副使

內藏庫

內藏庫提點道宗清寧九年見內藏庫提點

耶律烏爾古

內侍省

黃門令

內謁者

內侍省押班

內侍左廂押班

內侍右廂押班

契丹漢兒渤海內侍都知

左承宣使

右承宣使

內庫

都提點內庫

尚衣庫

尚衣庫使

湯藥局

都提點勾當湯藥內侍省官並見王繼思趙安仁傳

客省太宗會同元年置

都客省興宗重熙十年見都客省回鶻重格

客省使會同五年見客省使耶律華格

左客省使蕭和斯應歷初為左客省使

右客省使

客省副使

四方館

四方館使高勲太宗入汴為四方館使

四方館副使道宗咸雍五年詔四方館副使止  
以契丹人充

引進司

引進使聖宗統和二十八年見引進使韓杞

點簽司

同簽點簽司事興宗重熙六年見同簽點簽司

事耶律圓寧

禮信司

勾當禮信司興宗重熙七年見勾當禮信司古

裕

禮賓使司

禮賓使大公昂曾祖忠為禮賓使

寺官職名總目

某卿興宗景福元年見崇祿卿李可封

某少卿耶律儼子處貞為太常少卿

某丞

某主簿

太常寺有博士贊引太祝奉禮郎協律郎

諸署職名總目

某署令

某署丞

太樂署

鼓吹署

法物庫遼朝雜禮有法物庫所掌圖籍

法物庫使

法物庫副使

崇祿寺本光祿寺太宗諱改

衛尉寺

宗正寺職在大特哩衮司

太僕寺有乘黃署



大理寺有提點大理寺有大理正聖宗統和十二年置  
鴻臚寺

司農寺

諸監職名總目

某太監興宗景福元年見少府監馬憚

某少監興宗重熙十七年見將作少監王企

某監丞

某監主簿

祕書監有祕書郎校書郎正字

著作局

著作郎

著作佐郎楊哲傳聖宗統和十一年哲為著作

佐郎

校書郎楊佖統和中為校書郎

正字開泰元年見正字李萬

司天監有太史令有司厯靈臺郎挈壺正五官正丞主

金  
五  
簿五官靈臺郎保章正司歷監候挈壺正司辰刻漏博  
士典鐘典鼓

國子監上京國子監太祖置

祭酒

司業

監丞

主簿

國子學

博士武白為上京國子博士

助教

太府監

少府監

將作監

都水監

已上文官

諸衛職名總目

各衛

大將軍聖宗開泰七年見皇子宗簡右衛大將軍  
上將軍王繼忠統和二十二年加左武衛上將軍  
將軍聖宗太平四年見千牛衛將軍蕭順

折衝都尉

果毅都尉

親衛

勳衛

翊衛

左右衛

左右驍衛

左右武衛

左右威衛

左右領軍衛

左右金吾衛

左右監門衛

左右千牛衛

左右羽林衛

左右龍虎軍

左右神武軍

左右神策軍

左右神威軍

已上武官

東宮三師府凡東宮官多見遼朝雜禮

太子太師太宗大同元年見太子太師李崧

太子太傅世宗天祿五年見太子太傅趙瑩

太子太保大同元年見太子太保趙瑩

太子少師聖宗太平十一年見太子少師蕭從順

太子少傅耶律哈里重熙中為太子少傅

太子少保大同元年見太子少保馮玉

太子賓客院

太子賓客



太子詹事院

太子詹事

少詹事

詹事丞

詹事主簿

太子司直事

太子司直

左春坊

太子左庶子

太子中允聖宗太平五年見太子中允馮若谷

太子司議郎

太子左諭德

太子左贊善大夫

文學館

崇文館學士

崇文館直學士

太子校書郎聖宗太平五年見太子校書郎韓灤

司經局

太子洗馬劉輝大安末為太子洗馬

太子文學

太子校書郎聖宗太平五年見太子校書郎張昱

太子正字

典設局

典設郎

宮門局

宮門郎

右春坊

太子右庶子

太子中舍人

太子舍人

太子右諭德

右贊善大夫

太子通事舍人

太子家令寺

太子家令

丞

主簿

太子率更寺

太子率更令

丞

主簿

太子僕寺

太子僕

丞

主簿

太子率府職名總目

某率興宗重熙十四年見率府率實魯

太子左右衛率府

太子左右司禦率府

太子左右清道率府

太子左右監門率府

太子左右內率府

已上東宮官

王傅府

王傅蕭惟信重熙十五年為燕趙王傅

親王內史府

內史道宗太康三年見內史吳嘉努

長史

參軍

諸王文學館

諸王教授姚景行重熙中為燕趙國王教授

諸王伴讀聖宗太平八年長沙郡王宗允等奏選

諸王伴讀

已上諸王府官



南面宮官

漢兒行宮都部署院亦曰南面行宮都部署司聖宗開泰九年改左僕射

漢兒行宮都部署開泰七年見漢兒行宮都部署  
石用中

漢兒行宮副部署興宗重熙十五年見漢兒行宮  
副部署耶律迪里

知南面諸行宮副部署重熙十年見知南面諸行

宮副部署耶律紐幹哩

同知漢兒行宮都部署事道宗太康三年見同知  
漢兒行宮都部署事蕭托卜嘉

同簽部署司事耶律儼太康中為同簽部署司事  
都部署判官耶律儼咸雍中為都部署判官

十二宮南面行宮都部署司職名總目

某宮漢人行宮都部署

某宮南面副都部署

某宮同知漢人都部署

弘義宮

永興宮

積慶宮

長寧宮

延昌宮

彰德宮

崇德宮

興聖宮

延慶宮

太和宮

永昌宮

敦睦宮

遼史卷四十七

遼史卷四十七考證

聖宗太平六年見左丞相張儉 按六年原本作四年  
考聖宗本紀太平六年見左丞相張儉非四年今據  
改

太祖加王郁同政事門下平章事 按王郁原本作王  
都考五代史王都並未從遼惟王郁降晉旋叛晉入  
遼乃都之兄也郁本史有傳其加門下平章事以征  
渤海功與此合則都為郁字之訛無疑今據改

聖宗開泰六年見起居舍人程翥 按開泰六年原本  
作五年考聖宗本紀開泰五年無程翥名至六年始  
見起居舍人程翥等分路按察刑獄是起居舍人初  
見處今據改

耶律都勒幹重熙末為誥院給事 按耶律都勒幹興  
宗本紀作耶律鐸魯幹此處原本作鐸幹無魯字係  
脫文今畫一改

開泰六年見禮部員外郎王景運 按六年原本作五

年考聖宗本紀五年不見王景運名係六年事今據改

天祚保大二年見提舉翰林醫官李爽 按李爽原本作李爽考天祚本紀保大二年見翰林醫官李爽別有李爽官少府少監非一人原本殊誤今據改

穆宗應歷二年見宣政殿學士李澣 按二年原本作元年考穆宗本紀元年不見李澣官宣政殿學士事二年始見今據改




道宗清寧九年見內藏庫提點耶律烏爾古 按九年  
原本作元年考道宗本紀元年不見內藏庫提點官  
至九年始見今改



著判官耶律儼咸雍中為都部署判官 按耶律  
儼傳為都部署判官實在太康初年非咸雍中也咸  
雍中儼甫登進士第耳志當有誤

遼史卷四十七考證



總校官原候補知府臣葉佩蓀

校對官編修臣吳錫麒

謄錄監生臣孫樹新

欽定四庫全書薈要

史部

通史卷四十八至五十二

詳校官祭酒臣韋謙恒



欽定四庫全書薈要卷六千一百七十三

遼史卷四十八

元中書右丞相總裁托克托等修

第十七下

百官志四

南面京官

遼有五京上京為皇都凡朝官京官皆有之餘四京隨  
宜設官為制不一大抵西京多邊防官南京中京多財

賦官五京並署者列陳之特置者分列于後

三京宰相職名總目

左相

右相

左平章政事

右平章政事

東京宰相府聖宗統和元年詔三京左右相左右平章

事

中京宰相府

南京宰相府

諸京內省客省職名總目

某京某省使

某京某省副使  
耶律博諾開泰末為上京內客省

副使

上京內省司

東京內省司地理志東京大內不置宮嬪唯以內省使

副判官守之

五京諸使職名總目

某官某使王棠重熙中為上京鹽鐵使

知某京某使事張孝傑清寧間知戶部使事

某京某副使劉仲重熙中為三司副使

同知某京某使事道宗太康三年見托卜嘉同知

度支使事

某京某判官聖宗太平九年見戶部使判官

上京鹽鐵使司

東京戶部使司

中京度支使司

南京三司使司

南京轉運使司亦曰燕京轉運使司

西京計司

五京留守司兼府尹職名總目

某京留守行某府尹事聖宗統和元年見上京留



守行臨潢尹事吳王稍

某京副留守天祚天慶六年見東京副留守高清

臣

知某京留守事蕭惠開泰二年知東京留守事

某府少尹聖宗太平五年見臨潢少尹鄭弘節

同知某京留守事太平八年見中京同知耶律頁

同簽某京留守事蕭迪里重熙六年同簽南京留

守事

某京留守判官室昉天祿中為南京留守判官

某京留守推官聖宗開泰元年見中京留守推官

李可舉

上京留守司

東京留守司

中京留守司太宗大同元年命趙延壽為中京留守治

鎮州聖宗統和十二年命室昉為中京留守

治大定府

南京留守司太宗天顯三年升東平郡為南京治遼陽  
十三年以幽州為南京治析津聖宗開泰元  
年改幽都府為析津府

西京留守司

五京都總管府職名總目

某京都總管知某府事

同知某府事聖宗太平五年見同知中京事蕭雅

衮

上京都總管府

東京都總管府

中京都總管府

南京都總管府

西京都總管府

五京都虞候司職名總目

都虞候

上京都虞候司

東京都虞候司

南京都虞候司

西京都虞候司

中京都虞候司

五京警巡院職名總目

某京警巡使

某京警巡副使

上京警巡院

東京警巡院

中京警巡院

南京警巡院

西京警巡院

五京處置使司職名總目

某京處置使

上京處置司

東京處置司

中京處置司

西京處置司

南京處置司

五京學職名總目道宗清寧元年詔設學養士頒經及  
傳疏置博士助教各一員

博士

助教

上京學上京別有國子監見朝官

東京學

中京學中京別有國子監與朝官同

南京學亦曰南京太學太宗置聖宗統和十三年賜水

磴莊一區

西京學

已上五京官

上京城隍使司亦曰上京城隍使

上京城隍使韓德讓景宗時為上京城隍使



東京渤海承奉官聖宗開泰八年耶律巴格奏渤海承奉班宜設官以統之因置

渤海承奉都知押班

遼陽大都督府太宗會同二年置

遼陽大都督會同二年都督和勒博等關防遼陽

東都

東京安撫使司

東京安撫使

東京軍巡院地理志東京有歸化營軍千餘人籍河朔  
亡命於此置軍巡院

東京軍巡使

中京文思院

中京文思使馬人望父佺為中京文思使

中京路按問使司

中京路按問使耶律和尚重熙二十四年為中京

路按問使

中京巡邏使司

中京巡邏使耶律古裕開泰間為中京巡邏使

中京大內都部署司

中京大內都部署聖宗開泰元年見中京大內都

部署

中京大內副部署

南京宣徽院

南京宣徽使道宗壽隆元年見宣徽使耶律特默

知南京宣徽院使事

知南京宣徽院事

南宣徽副使

同知南京宣徽院事

南京處置使司聖宗開泰元年見秦王隆慶為燕京管  
內處置使

燕京管內處置使

南京侍衛親軍馬步軍都指揮使司

南京侍衛親軍馬步軍都指揮使蕭討古乾亨初  
為南京侍衛親軍都指揮使

南京馬步副指揮使

南京侍衛親軍馬軍都指揮使司

南京馬軍都指揮使

南京馬軍副指揮使

南京侍衛親軍步軍都指揮使司

南京步軍都指揮使

南京步軍副指揮使

南京栗園司

典南京栗園

雲州宣諭招撫使司

雲州管內宣諭招撫使二員統和四年見韓毗格  
邢抱質為雲州管內宣諭招撫使

南面大蕃府官

黃龍府

知黃龍府事興宗重熙十三年見知黃龍府事耶

律烏魯斯

同知黃龍府事

黃龍府判官

黃龍府侍衛親軍馬步軍都指揮使

黃龍府侍衛親軍都指揮使

黃龍府侍衛親軍副指揮使

黃龍府侍衛馬軍都指揮使

黃龍府侍衛步軍都指揮使

黃龍府侍衛馬軍副指揮使

黃龍府侍衛步軍副指揮使

黃龍府學

博士

助教

興中府

知興中府事咸雍元年知興中府事楊績



同知興中府事

興中府判官

興中府學

博士

助教

南面方州官

遼東西燕秦漢唐已置郡縣設官職矣高麗渤海因之  
至遼五京列峙包括燕代悉為畿甸二百餘年城郭相

望田野益闢冠以節度承以觀察防禦團練等使分以  
刺史縣令大略採用唐制其間宗室外戚大臣之家築  
城賜額謂之頭下州軍唯節度使朝廷命之後往往皆  
歸王府不能州者謂之軍不能縣者謂之城不能城者  
謂之堡其設官則未詳云

節度使職名總目

某州某軍節度使

某州某軍節度副使

同知節度使事耶律玦重熙中同知遼興軍節度

使事

行軍司馬

軍事判官

掌書記劉仲重熙五年為彰武軍節度使掌

書記

衙官

某馬步軍都指揮使司

都指揮使

副指揮使

某馬軍指揮使司

指揮使

副指揮使

某步軍指揮使司

指揮使

副指揮使

上京道

懷州奉陵軍節度使司

慶州玄寧軍節度使司

泰州德昌軍節度使司

長春州韶陽軍節度使司

儀坤州啟聖軍節度使司

龍化州興國軍節度使司

饒州匡義軍節度使司

徽州宣德軍節度使司

成州長慶軍節度使司

懿州廣順軍節度使司

渭州高陽軍節度使司

鎮州建安軍節度使司

東京道

開州鎮國軍節度使司

保州宣義軍節度使司

辰州奉國軍節度使司

興州中興軍節度使司

海州南海軍節度使司

涿州鴨綠軍節度使司

顯州奉先軍節度使司

乾州廣德軍節度使司

貴德州寧遠軍節度使司

潘州昭德軍節度使司

遼州始平軍節度使司

通州安遠軍節度使司

雙州保安軍節度使司

同州鎮安軍節度使司

咸州安東軍節度使司

信州彰聖軍節度使司

賓州懷化軍節度使司

懿州寧昌軍節度使司



蘓州安復軍節度使司

復州懷德軍節度使司

祥州瑞聖軍節度使司

中京道

成州興府軍節度使司

興中府彰武軍節度使司

宜州崇義軍節度使司

錦州臨海軍節度使司

川州長寧軍節度使司

建州保靜軍節度使司

來州歸德軍節度使司

南京道

幽州盧龍軍節度使司

平州遼興軍節度使司

西京道

雲中大同軍節度使司

雲內州開遠軍節度使司

奉聖州武定軍節度使司

蔚州忠順軍節度使司

應州彰國軍節度使司

朔州順義軍節度使司

觀察使職名總目

某州軍觀察使

某州軍觀察副使

某州軍觀察判官王鼎清寧五年為易州觀察判

官

州學

博士

助教

中京道

高州觀察使司

武安州觀察使司

利州觀察使司

東京道

益州觀察使司

寧州觀察使司

歸州觀察使司

寧江州混同軍觀察使司

上京道

永州永昌軍觀察使司

靜州觀察使司

團練使司職名總目

某州團練使

某州團練副使

某州團練判官

州學

博士

助教

東京道

安州團練使

防禦使司職名總目

某州防禦使

某州防禦副使

某州防禦判官

州學

博士

助教

東京道

廣州防禦使司

鎮海府防禦使司

冀州防禦使司

衍州安廣軍防禦使司

州刺史職名總目

某州刺史



某州同知州事耶律圖丹重熙中同知金肅軍事  
某州錄事參軍世宗天祿五年詔州錄事參軍委  
政事省差注

州學

博士

助教

上京道五州烏降聖維防招

東京道三十七州穆賀盧鐵崇耀嬪遼西康宗海北巖

集祺遂韓銀安遠威清雍湖渤郅銅涑率賓  
定理鐵利吉麓荆媵順化連肅烏

中京道十三州恩惠榆澤北安潭松山安德黔嚴隰遷  
潤

南京道八州順檀涿易薊景灤營

西京道八州弘德寧邊歸化汗儒武東勝

縣職名總目

某縣令

某縣丞

某縣主簿世宗天祿五年詔縣主簿政事省差注

某縣尉

縣學大公鼎為良鄉縣尹建孔子廟

博士

助教

五京諸州屬縣見地理志縣有驛遞馬牛旗鼓鄉正廳  
隸倉司等役有破產不能給者良民患之馬人望設法

使民出錢免役官自募人倉司給使以公使充人以為便

### 南面分司官

平理庶獄採摭民隱漢唐以來賢主以為恤民之令典官不常設有詔則選材望官為之

分決諸道滯獄使聖宗統和九年命邢抱朴等五員又命馬守瑛等三員分決諸道滯獄

按察諸道刑獄使開泰五年遣劉涇等分路按察刑獄

採訪使太宗會同三年命于固靈為採訪使

南面財賦官

遼國以畜牧畋漁為稼穡財賦之官初甚簡易自納哩  
教耕織而後鹽鐵諸利日以滋殖既得燕代益富饒矣  
諸錢帛司職名總目

某州錢帛都點檢大公鼎為長春州錢帛都提點  
長春路錢帛司興宗重熙二十二年置

遼西路錢帛司

平州路錢帛司

轉運司職名總目

某轉運使

某轉運副使

同知某轉運使

某轉運判官

山西路都轉運使司楊哲興宗重熙二十年為山西轉

運使

奉聖州轉運使司聖宗開泰三年置

蔚州轉運使司

應州轉運使司

朔州轉運使司

保州轉運使司已上並開泰三年置

西山轉運使聖宗太平三年見西山轉運使郎玄化

南面軍官

傳曰惟楚有材晉實用之遼自太祖以來攻掠五代宋

境得其人則就用之東北二鄙以農以工有事則從軍  
政計之善者也

點檢司職名總目

某都點檢穆宗十三年見殿前都點檢耶律伊勒

哈

某副點檢聖宗太平六年見副點檢耶律頁

同知某都點檢道宗清寧九年見同知點檢司事

耶律托卜嘉



點檢司

殿前都點檢司

點檢侍衛親軍馬步司

諸指揮使司職名總目

某軍都指揮使聖宗統和二年見侍衛親軍都指

揮使韓倬

某軍副指揮使

某軍都監

某軍都指揮使司

某軍副指揮使司

並同前

侍衛親軍馬步軍都指揮使司

侍衛親軍馬軍都指揮使司

侍衛親軍步軍都指揮使司

侍衛控鶴兵馬都指揮使司

侍衛漢軍兵馬都指揮使司

四軍兵馬都指揮使司

歸聖軍兵馬都指揮使司聖宗統和五年以宋降軍置  
七指揮置左右廂凡四十二員七年隸總管府

歸聖軍左廂兵馬都指揮使司

歸聖軍右廂兵馬都指揮使司

第一左廂兵馬都指揮使司

第一右廂兵馬都指揮使司

第二左廂兵馬都指揮使司

第二右廂兵馬都指揮使司

第三左廂兵馬都指揮使司

第三右廂兵馬都指揮使司

第四左廂兵馬都指揮使司

第四右廂兵馬都指揮使司

第五左廂兵馬都指揮使司

第五右廂兵馬都指揮使司

第六左廂兵馬都指揮使司

第六右廂兵馬都指揮使司

第七左廂兵馬都指揮使司

第七右廂兵馬都指揮使司

宣力軍都指揮使司

四捷軍都指揮使司

天聖軍都指揮使司

漢軍都指揮使司

諸軍都團練使職名總目

某軍都團練使趙思溫太祖神冊二年為漢軍都

團練使

某軍團練副使

某軍團練判官

漢軍都團練使司

諸軍兵馬都總管府職名總目

某兵馬都總管聖宗太平四年見兵馬都總管

某兵馬副總管

同知某兵馬事

某兵馬判官

兵馬都總管府

歸聖軍兵馬都總管府

南面邊防官

三皇五帝寬柔之化澤及漢唐好生惡殺習與性成雖  
五代極亂習於戰鬪者財幾人耳宋以文勝然遼之邊  
防猶重於南面直以其地大民衆故耳卒之親仁善鄰

桴鼓不鳴幾二百年此遼之所以為美也歟

易州飛狐招安使聖宗統和二十三年改安撫使司

易州飛狐兵馬司道宗咸雍四年改易州安撫司

易州飛狐招撫司

西南面招安使司耶律和卓景宗保寧初為西南面招

### 安使

巡檢使司耶律和卓景宗保寧中為巡檢使

五州都總管府耶律蘓色穆宗應歷初為義霸祥順聖



五州都總管

山後五州都管司聖宗統和四年見普努寧為山後五  
州都管

五州制置使司聖宗開泰九年見霸建宜泉錦五州制  
置使

三州處置使司韓德樞太宗時為平灤營三州處置使  
霸州處置使司統和二十七年廢

遼史卷四十八

遼史卷四十八考證

聖宗太平五年見臨潢少尹鄭弘節 按五年原本作  
四年考聖宗本紀臨潢少尹名見于五年非四年事  
今據改

蕭迪里重熙六年同簽南京留守事 按重熙六年原  
本作太平六年考蕭迪里傳重熙初始仕六年降同  
簽南京留守事並不在太平間也今據改

道宗清寧元年詔設學養士頒經及傳疏置博士助教

各一員 按元年原本作五年考本紀道宗即位有  
設學養士之詔俱與此志同非五年事今據改

雲內州開遠軍節度使司 按開遠軍原本脫遠字今  
據地理志增

遼史卷四十八考證

欽定四庫全書薈要卷六千一百七十四

遼史卷四十九

元中書右丞相總裁托克托等修

志第十八

禮志一

理自天設情繇人生以禮制情而禮樂之用行焉林豺  
梁獺是生郊禘窪尊燔黍是生燕饗藁裡瓦棺是生喪  
葬儷皮緇布是生婚冠皇造帝秩三王彌文一文一質

蓋本于忠變通革弊與時宜之惟聖人為能通其意執  
理者膠瑟聚訟不適人情徇情者稊稗綿蕪不中天理  
秦漢而降君子無取焉遼本朝鮮故壤箕子八條之教  
流風遺俗蓋有存者自其上世緣情制宜隱然有尚質  
之風約尼和拉汗制祭山儀蘇汗制色克色哩儀蘇爾  
威汗制柴冊再生儀其情朴其用儉敬天恤災施惠本  
孝出於惓忱殆有得於膠瑟聚訟之表者太古之上推  
輪五禮何以異茲太宗克晉稍用漢禮今國史院有金

陳大任遼禮儀志皆其國俗之故又有遼朝雜禮漢儀為多別得宣文閣所藏耶律儼志視大任為加詳存其畧著于篇

吉儀

祭山儀設天神地祇位于木葉山東鄉中立君樹前植羣樹以像朝班又偶植二樹以為神門皇帝皇后至伊勒希巴具禮儀牲用赭白馬玄牛赤白羊皆牡僕臣曰旗鼓伊喇殺牲體割懸之君樹太巫以酒酹牲禮官

日多囉倫穆騰奏儀辦皇帝服金文金冠白綾袍絳  
帶懸魚三山絳垂飾犀玉刀錯絡縫烏靴皇后御絳  
帔絡縫紅袍懸玉佩雙結帕絡縫烏靴皇帝皇后御  
鞍馬羣臣在南命婦在北服從各部旗幟之色以從  
皇帝皇后至君樹前下馬升南壇御榻坐羣臣命婦  
分班以次入就位合班拜訖復位皇帝皇后詣天神  
地祇位致奠閤門使讀祝訖復位坐北府宰相特哩  
袞以次致奠于君樹徧及羣樹樂作羣臣命婦退皇

帝率孟父仲父季父之族三匝神門樹餘族七匝皇帝皇后再拜在位者皆再拜上香再拜如初皇帝皇后升壇坐龍文茵再聲警詣祭東所羣臣命婦從班列如初巫衣白衣特哩袞以素巾拜而冠之巫三致辭每致辭皇帝皇后一拜在位者皆一拜皇帝皇后各舉酒二爵肉二器再奠大臣命婦右持酒左持肉各一器少後立一奠命特哩袞東向擲之皇帝皇后六拜在位者皆六拜皇帝皇后復位坐命中丞奉茶



果餅餌各二器奠于天神地祇位執事郎君二十人持福酒胙肉詣皇帝皇后前太巫奠酹訖皇帝皇后再拜在位者皆再拜皇帝皇后一拜飲福受胙復位坐在位者以次飲皇帝皇后率羣臣復班位再拜聲蹕一拜退

太祖幸幽州大悲閣遷白衣觀音像建廟木葉山尊為家神於拜山儀過樹之後增詣菩薩堂儀一節然後拜神非復和拉汗之故也興宗先有事于

菩薩堂及木葉山遼河神然後行拜山儀冠服節  
太多所變更後因以為常神主樹木懸牲告辦班  
位奠祝致嘏飲福往往暗合于禮天理人情放諸  
四海而準信矣夫興宗更制不能正以經術無以  
大過於昔故不載

色克色哩儀若旱擇吉日行色克色哩儀以祈雨前期置百  
柱天棚及期皇帝致奠于先帝御容乃射柳皇帝再  
射親王宰執一次各一射中柳者質誌柳者冠服不中者

以冠服質之不勝者進飲於勝者然後各歸其冠服  
又翼日植柳天棚之東南巫以酒醴黍稷薦植柳祝  
之皇帝皇后祭東方畢子弟射柳皇族國舅羣臣與  
禮者賜物有差既三日雨賜多囉倫穆騰馬四疋衣  
四襲否則以水沃之

道宗清寧元年皇帝射柳訖詣風師壇再拜

柴冊儀擇吉日前期置柴冊殿及壇壇之制厚積薪以  
木為三級壇置其上席百尺氍龍文方茵又置再生

母后搜索之室皇帝入再生室行再生儀畢八部之  
叟前導後扈左右扶翼皇帝冊殿之東北隅拜日畢  
乘馬選外戚之老者御皇帝疾馳仆御者從者以氊  
覆之皇帝詣高阜地大臣諸部帥列儀仗遙望以拜  
皇帝遣使敕曰先帝升遐有伯叔父兄在當選賢者  
冲人不德何以為謀羣臣對曰臣等以先帝厚恩陞  
下明德咸願盡心敢有他圖皇帝令曰必從汝等所  
願我將信明賞罰爾有功陟而任之爾有罪黜而棄

之若聽朕命則當謨之僉曰唯帝命是從皇帝于所  
識之地封土石以誌之遂行拜先帝御容宴饗羣臣  
翼日皇帝出冊殿護衛太保扶翼升壇奉七廟神主  
置龍文方茵北南府宰相率羣臣園立各舉氈邊贊  
祝訖樞密使奉玉寶玉冊入有司讀冊訖樞密使稱  
尊號以進羣臣三稱萬歲皆拜宰相北南院大王諸  
部帥進赭白羊各一羣皇帝更衣拜諸帝御容遂宴  
羣臣賜賚各有差

拜日儀皇帝升露臺設褥向日再拜上香門使通閣使  
或副應拜臣僚殿左右階陪位再拜皇帝升坐奏勝  
訖北班起居畢時相已下通名再拜不出班奏聖躬  
萬福又再拜各祇候宣徽已下橫班同諸司閣門北  
面先奏事餘同教坊與臣僚同

告廟儀至日臣僚昧爽朝服詣太祖廟次引臣僚合班  
先見御容再拜畢引班首左上至褥位再拜贊上香  
揖欄內上香畢復褥位再拜各祇候立定左右舉告

廟祝版於御容前跪捧中書舍人俛跪讀訖俛興退  
引班首左下復位又再拜分引上殿次第進酒三分  
班引出

謁廟儀至日昧爽南北臣僚各具朝服赴廟車駕至臣  
僚於門外依位序立望駕鞠躬班首不出班奏聖躬  
萬福舍人贊各祇候畢皇帝降車分引南北臣僚左  
右入至丹墀褥位合班定皇帝升露臺褥位宣徽贊  
皇帝再拜殿上下臣僚陪位皆再拜上香畢退復位

再拜分引臣僚左右上殿位立進御容酒依常禮若  
即退再拜舍人贊好去引退禮畢

告廟謁廟皆曰拜容以先帝先后生辰及忌辰行  
禮自太宗始也其後正旦皇帝生辰諸節辰皆行  
之若忌辰及車駕行幸亦嘗遣使行禮凡色克色  
哩柴冊再生納后則親行之凡柴冊親征則告幸  
諸京則謁四時有薦新

孟冬朔拜陵儀有司設酒饌于山陵皇帝皇后駕至多



囉倫穆騰奏儀辦閤門使贊皇帝皇后詣位四拜訖  
巫贊祝燔胙及時服酹酒薦牲大臣命婦以次燔胙  
四拜皇帝皇后率羣臣命婦循諸陵各三匝還宮翼  
日羣臣入謝

燕節儀皇帝即位凡征伐叛國俘掠人民或臣下進獻  
人口或犯罪沒官戶皇帝親覽閒田建州縣以居之  
設官治其事及帝崩所置入戶府庫錢粟穹廬中置  
小氊殿帝及后妃皆鑄金像納焉節辰忌日朔望皆

致祭于穹廬之前又築土為臺高丈餘置大盤于上  
祭酒食撒於其中焚之國俗謂之燕節

歲除儀初夕敕使及伊勒希巴率執事郎君至殿前以  
鹽及羊膏置爐中燎之巫及大巫以次贊祝火神訖  
閣門使贊皇帝面火再拜

初皇帝皆親拜至道宗始命伊勒希布拜之

遼史卷四十九

遼史卷四十九考證

柴冊儀 按王易燕北錄所載柴冊儀有拜日拜七祖殿拜木葉山神拜金神拜冊太后拜赤娘子拜七祖眷屬畢次上柴籠受冊次入黑龍殿受賀行禮罷又有宴飲等儀與此迥異謹附識以備考

拜日儀 按聖宗本紀統和元年十二月千齡節祭日月四年十二月祭日月又按兵衛志凡舉兵以青牛白馬祭告天地日神惟不拜月據此則拜日之儀有

獨拜日者有兼拜月者拜月之儀志雖不載要當與  
拜日等謹附識

遼史卷四十九考證

欽定四庫全書薈要卷六千一百七十五

遼史卷五十

元中書右丞相總裁托克托等修

志第十九

禮志二

凶儀

喪葬儀聖宗崩興宗哭臨於最塗殿大行之夕四鼓終  
皇帝率羣臣入柩前三致奠奉柩出殿之西北門就

輜輶車藉以素裯巫者被除之詔旦發引至祭所凡  
五致奠太巫析穰皇族外戚大臣諸京官以次致祭  
乃以衣弓矢鞍勒圖畫馬馳儀衛等物皆燔之至山  
陵葬畢上哀冊皇帝御幄命改火面火致奠三拜又  
東向再拜天地訖乘馬率送葬者過神門之木乃下  
東向又再拜翼日詔旦率羣臣命婦詣山陵行初奠禮  
升御容殿受遺賜又翼日再奠如初興宗崩道宗親  
擇地以葬道宗崩最塗於遊仙殿有司奉喪服天祚

皇帝問禮於總知翰林院事耶律固始服斬衰皇族  
外戚使相矮敦官及卽君服如之餘官及承應人皆白  
梟衣巾以入哭臨特哩袞三父房南府宰相約尼常  
袞九奚首卽君伊勒希巴國舅詳袞十扎薩克卽君  
南院大王卽君各以次薦奠進鞍馬衣襲犀玉帶等  
物表列其數讀訖焚表諸國所賻器服親王諸京留  
守奠祭進賻物亦如之先帝小斂前一日皇帝喪服  
上香奠酒哭臨其夜北院樞密使契丹行宮都部署



入小斂翼日遣北院樞密副使林牙以所賙器服置之幽宮靈柩升車親王推之至食殺之次蓋遼國舊俗如此刑殺羊以祭皇族外戚諸京州官以次致祭至葬所靈柩降車就輦皇帝免喪服步引至長福崗是夕皇帝入陵寢投遺物於皇族外戚及諸大臣乃出命以先帝寢幄過於靈前神門之木帝不親往遣近侍冠服赴之初奠皇帝皇后率皇族外戚使相節度使夫人以上命婦皆拜祭循靈三匝而降再奠如

初辭靈而還

上諡冊儀先一日於敢塗殿西廊設御幄并臣僚幕次  
大樂令展宮懸於殿庭協律郎設舉麾位至日北南  
面臣僚朝服昧爽赴敢塗殿先置冊寶案於西廊下  
閤使引皇帝至御幄服寬衣皂帶臣僚班齊分班引  
入嚮殿合班立定引冊案上殿至褥位寶案次之設  
於西階閤使引皇帝自西階升殿初行樂作至位立  
樂止宣徽使揖皇帝鞠躬再拜陪位者皆再拜翰林

使執臺琖以進皇帝再拜引至神座前跪奠三樂作  
進奠訖復位樂止又再拜陪位者皆再拜引皇帝於  
神座前北面立捧冊函者去蓋進前跪冊案退置殿  
西壁下引讀冊者進前俛伏跪自通全銜臣讀諡冊  
讀訖俛伏興復位捧冊函者置於案上捧寶函者進  
前跪讀寶官通銜跪讀訖引皇帝至褥位再拜陪位  
者皆再拜禮畢引皇帝歸御幄初行樂作至御幄樂  
止引臣僚分班出若皇太后奠酒依常儀

忌辰儀先一日奏忌辰榜子預寫名紙大紙一幅用陰  
面後第三行書文武百僚宰臣某以下謹詣西上閤  
門進名奉慰至日應拜大小臣僚並皂衣皂鞵帶四  
鼓至時於幕次前在京於僧寺班齊依位望闕敘立  
直日舍人跪右執名紙在前班首以下皆再拜引退  
名紙於宣徽使面付內侍奏聞

宋使祭奠弔慰儀太皇太后至殿塗殿服喪服太后於  
北間南面垂簾坐皇帝於南間北面坐宋使至幕次

宣賜素服皂帶更衣訖引南北臣僚入班立定可矮  
檄以下竝上殿依位立先引祭奠使副捧祭文南洞  
門入殿上下臣僚竝舉哀至丹墀立定西上閤門使  
自南階下受祭文上殿啓封置於香案哭止祭奠禮  
物列殿前引使副南階上殿至褥位立揖再拜引大  
使進前上香退再拜大使進前跪捧臺琖進奠酒三  
教坊奏樂退再拜揖中書二舍人跪捧祭文引大使  
近前俛伏跪讀訖舉哀引使副下殿立定哭止禮物

擔牀出畢引使副近南面北立勾弔慰使副南洞門  
入四使同見大行皇帝靈再拜引出歸幕次皇太后  
別殿坐服喪服先引北南面臣僚竝於殿上下依位  
立弔慰使副捧書匣右入當殿立閤門使右下殿受  
書匣上殿奏封全開讀訖引使副南階上殿傳達弔  
慰訖退下殿立引禮物擔牀過畢引使副近南北面  
立勾祭奠使副入四使同見鞠躬再拜不出班奏聖  
躬萬福再拜出班謝面天顏又再拜立定宣徽傳聖

旨撫問就位謝再拜引出歸幕次皇帝御南殿服喪服使副入見如見皇太后儀加謝遠接撫問湯藥再拜次宣賜使副并從人祭奠使副別賜讀祭文例物即日就館賜宴高麗夏國奉弔進賻等使禮畧如之道宗崩天祚皇帝問禮於耶律固宋國遣使弔及致祭歸賻皇帝喪服御遊仙之北別殿使入門皇帝哭使者詣柩前上香讀祭文訖又哭有司讀遺詔慟哭使者出少頃復入陳賻賻於柩前皇帝入臨哭退更

衣御游仙殿南之幄殿使者入見且辭勅有司賜宴於館

宋使告哀儀皇帝素冠服臣僚皂袍鞶帶宋使奉書右入丹墀內立西上閤門使右階下殿受書匣上殿欄內鞠躬奏封全開封於殿西案授宰相讀訖皇帝舉哀舍人引使者右階上欄內俛跪附奏起居訖俛興立皇帝宣問南朝皇帝聖躬萬福使者跪奏來時皇帝聖躬萬福起退舍人引使者右階下殿於丹墀西



面東鞠躬通事舍人通使者名某祇候見再拜不出  
班奏聖躬萬福再拜出班謝面天顏再拜又出班謝  
遠接撫問湯藥再拜贊祇候引出就幕次宣賜衣物  
引從人入通名拜奏聖躬萬福出就幕賜衣如使者  
之儀又引使者入面殿鞠躬贊謝恩再贊有勅賜宴  
再拜贊祇候出就幕次宴引從人謝恩拜勅賜宴皆  
如初宴畢歸館

宋使進遺留禮物儀百官昧爽朝服殿前班立宋遺留

使告登位使副入內門館伴副使引謝登位使就幕  
次坐館伴大使與遺留使副奉書入至西上閤門外  
羶位立閤使受書匣置殿西階下案引進使引遺留  
物於西上閤門入即於廊下橫門出皇帝升殿坐宣  
徽使押殿前班起居畢引宰臣押文武班起居引中  
書令西階上殿奏宋使見膀子契丹臣僚起居控鶴  
官起居遺留使副西上閤門入面殿立舍人引使副  
西階上殿附奏起居訖引西階下殿於丹墀東西面

鞠躬通名奏聖躬萬福如告哀使之儀謝面天顏謝  
遠接撫問湯藥引遺留使從人見亦如之次引告登  
位使副奉書匣於東上閣門入面殿立閣使東階下  
殿受書匣中書令讀訖舍人引使副東階上殿附奏  
起居引下殿南面立告登位禮物入即於廊下橫門  
出退西面鞠躬附奏起居謝面天顏遠接等皆如遺  
留使之儀宣賜遺留登位兩使副并從人衣物如告  
哀使應坐臣僚皆上殿就位立分引兩使副等於兩

廊立皇帝問使副衝涉不易丹墀內五拜各引上殿  
祇候位立大臣進酒皇帝飲酒契丹通漢人贊殿上  
臣僚皆拜稱萬歲贊各就坐行酒殺茶膳饅頭畢從  
人出水飯畢臣僚皆起契丹通漢人贊皆再拜稱萬  
歲各祇候獨引宋使副下殿謝五拜引出控鶴官門  
外祇候報閤門無事供奉官捲班出

高麗夏國告終儀先期於行宮左右下御帳設使客幕  
次於東南至日北面臣僚各常服其餘臣僚竝朝服

入朝使者至幕次有司以嗣子表狀先呈樞密院准  
備奏呈先引北面臣僚并矮敦以上近御帳相對立  
其餘臣僚依班位序立引告終人使右入至丹墀面  
殿立引右上立揖少前拜跪奏訖宣問若嗣子已立  
恭身受聖旨奏訖復位嗣子未立不宣問引右下丹  
墀面北鞠躬通班畢引面殿再拜不出班奏聖躬萬  
福再拜出班謝面天顏復位再拜出班謝遠接復位  
再拜贊祗候退就幕次再入依前面北鞠躬通辭再

拜叙戀闕再拜贊好去禮畢

遼史卷五十